

* unt doch gefellen niht ze vil.
 * Zwêne möhten gerner dagen,
 * danne mit ein ander mære sagen.
 Swer den man erkennen welle,
 5 der werde sîn gefelle.
 Ez enhât dekein gefelleschaft
 mit ungellichem muote kraft.
 Des gefellen ger ich niht,
 der vâret, ober mich strûchen siht,
 10 daz er mich nider drücke
 unt niemer ûf gerücke.

28. VON ZORNE.

Süeziu rede senftet zorn.
 Swer rehte tuot, derst wol geborn.
 * Guot rede ist ûf der erde
 15 * in dem aller hœchsten werde.
 Des mannes witze ein ende hât,
 swenne in grôzer zorn bestât.
 Swer in zorne ist wol gezogen,
 dâ hât tugent untugent betrogen.
 20 Der tumbe in zorne richet,
 der wîse sich besprichet.
 Erst tump, swer richet sînen zorn,
 dâ von er selbe wirt verlorn.
 Swer in zorne vrâget wer er sî,